

اِسْتِغْنَا

۴ تشرین اول ۱۳۲۴

جمعه ایرتسی

نومرو ۵

شمیدی عالم [محصل دیمکدر] بکابیک کره سکسان بیک [سکسان میلیون ایدر]
تأدیه ایتدی. سنه آتیهیه قالورسه امیدوارم که عمر ابن الخطاب حصر تلرینه تأدیه
ایتدکاری بیک کره یوز بیکی [یوز میلیون ایدر] بکا تأدیه ایتسونلر .

[اقوم المسالك]ك مقدمه سنده نقل ایدلیدی اوزره وقتيله فرانسه معارف
ناظر لکی ایتمش بولنان « دروی » خلفای عباسیه نك واردات سنویه سی عصر من
مسکوکاتی ایله اوتوز بش میلیون فرانسز لیره سنه معادل اولدیغنی سوبله نور .

استطراد

حجاج بن یوسف الثقفی دولت امویه نك ا ك نامدار ومقبل امراسندن ایدی .
کندینی امرأ صرہ سنه کچورن ملوک امویه دن عبدالمکک بن مرواندر . حجاج
اولا حجازه بعده حجاز ایله عراقک هر ایکسنه والی تعیین قلندی ، دهاسکره لری
[مابعدی وار] برکت زاده

اسماعیل حق

مجلس مبعوثانك اصول تشکل ووظائفی

زمان اجتماعی تقرب ایتمش اولان مجلس مبعوثانك اصول تشکل و صورت
ایفای وظائفی مبین نظام داخلیندن خامهران بحث و بیان اولمق شو صرده
یک موافق مصلحت اولور ظن ومأمول ایدرم . چونکه مجلس مبعوثان نه یولده
تشکل ایده جك ونه صورتله ایفای وظیفه ایلجه جك؟ مجلسده رعایتی لازمه دن اولان
اصول وقواعد نه دن عبارتدر؟ بورالرینه کندیلرینی مبعوثلغه نامزد وضع ایدن
ومبعوث انتخاب اولنه حق ذواتک اکثریتی واقف اولدقلری ادعا اولنه ماز بعض
ولایاتده مبعوثان اعضائی مجلس اداره ومجلس بلدیة اعضالغنه قیاس اولنه رق او یولده
بر فکر وذهاب حاصل اولدینی برچوق کیمسه لرك کندیلرینی مبعوث نامزد لکنه
چیقارمش اولملرندن استدلال اولنمقده در .

بعض ولایات غزته لر نده مطالعه اولندینی وجهله بوذوات میسانده مشایخ

تقیب اشرف مال مدیرى زراعت مفتشى ایتم مدیرى حبسخانه مدیرى محاسبه
باش کاتبى بلديه اعضاسى و مجلس اداره اعضارى بولندینی مع الاستغراب کورلمشدر
طشمره لرده بولان مشایخك نقبانك اکثریسی اوروپانك افکارسیاسیه سنه و قومشومز
بولان دولترك آمال و مقاصدینه و قوف شویله طورسون دولترك اوروپایه قارشو
موقعنى و احتیاجات سیاسیه و داخلیه سنى فرق و تقدیره قدرتیاب اولدقلىرى
و باخصوص قانونلریمىزك مزایاسنه واقف اوله جق درجده معلومات قانونیه دن
بهره دار بولندقلىرى موجب اشتباه اوله جق حالاندنر .

بو ذاتلر مبعوثلق وظیفه سنى قولای بر وظیفه ظن ایدهرک مجلس اداره
اعضالغنده بولندقلىرى کبی هر تکلیفه مناسبدر عین کرامتدر دیمکله ایش اولوربیتر
افکارنده بولنورلر مجلس مبعوثانك نظامنامه داخلیدى اسمنده بر قانون اولدیغنى
احتمالدر يك چوغى بيلماز اکر بوقانونى مطالعه ایله احکامنه واقف اولسه رمامول
ایدرمکه بر مبعوثك عهده سنه نه قدر مهم و عظیم وظائف تحمیل ایدیه جکلى تفهم
ایدرلر و ایلروده مطبوعاته و اهالى یه و ارباب اقتداردن بولان رفقارینه قارشو
محجوب اولاجقلىرى تیمن ایدهرک بوایشه دامن درمیان اوله رق تشبثاته جسامرتیاب
اوله مازلر بو نظامنامه یی تدقیق و مطالعه و ایجاب ایدن نقاطنى کمال عجز ایله شرح
و ایضاحه صرف مساعى محله مصروف بر خدمت عد اولنور ظننده یم موضوع
بختمز اولان نظامنامه دردنجه جلد دستورك ۳۷نجى صحیفه سنه مندرج و مایس سنه
۹۳ تاریخنده نشر اولمش بر قانوندر . قانون مذکور اون آلتى فصلی یوزیش ماده یی
مشمئلدر . بوقانون فرانسه مجلس مبعوثان نظامنامه داخلیدىدن مأخوذ و مقتبس
اولدیغى مضموندر عمومیتى اعتباریله نظامنامه نك مکملیتى شایان تقدیر بر حالده
اولوب یالکزر تعدیل و توسیعه محتاج بعض نقاطى موجود اولدیغندن آیدیه درمیان
اولنه جق مطالعاتمىزك بوجهتله تشعیلى خصوصنه بذل غیرت ایدیه جکدر .

برنجى فصل - موقت رئیس و کاتبلرک و اوراق انتخابیه نك

تدقیق و معاینه سنه داردر

برنجى ماده - مجلس مبعوثانك برنجى مجلسنده رئیس ایله رئیس وکیللىرى اراده

سنیه ایله تعیین اولو تخیه قدر موجود مبعوثلرک اگ مسنی موقتاً ریاست ایده جک واک کوچک ایکی مبعوث ده موقت کتات مأموریتی ایفا ایده جکدر.

مبعوثانک اگ یاشولوسنک موقت ریاسته جکیلمسی واک کنجینک کتاتیه تعیین ایدلمسی اعتراضانک منی ایچون اگ کسیدر مه بر طریق سالمدر. موقت رئیس دولت طرفندن تعیین ایدلمش اولسه یدی پک چوق اعتراضاتی دعوت ایده جکی کی مبعوثان کندی کندیته تشکل ایده جک بر مجلس اولدیغندن مداخله خارجه دن مصون اولسی لازم کله جکندن بواصول پک مصیب بر قاعده اولدینی جای بحث دکلدرد. ایکنجی ماده - موقت رئیس وکاتبلر تعیین ایدلدیکنک عقینده مبعوثان اعضاسی قرعه ایله بش شعبه یه تقسیم وبو شعبه لر برنجی ایکنجی اوچنجی دردنجی بشنجی شعبه لر ناملر ایله یاد ایدیله جکدر.

اوچنجی ماده - «مبعوثانک اوراق انتخابیه لری صره سیله نومرو وضعیله رئیس طرفندن لاجل التدقیق باقرعه شعبه لره توزیع اولنور وبر مبعوثانک اوراقی کندیسنک بولندیقی شعبه لره ینه قرعه ایله توزیع ایدیلور و هر شعبه کندوسنه حواله اولان انتخابیه لری اوراق متفرعه سیله برابر تدقیق ومعاینه ایچون قرعه ایله بش اعضادن مرکب انجمنلره تقسیم ایدر و هر انجمنک بش اعضاسندن بری نتیجه تدقیقاتی حاوی یاییله جق مضبطه نک تنظیمنه مأمور اولور و مجلسک یوم کشادنمه قرائت اولنه جق نطق هایون اوزرینه تنظیم اولنه جق تشکر مضبطه سنک بش کون ظرفنده تقدیمه اهتمام ایدیله جکدر».

بوماده نک مندرجانی اوراق انتخابیه تدقیقاتنک صورت سلمده اجراسنی تأمیندن عبارتدر.

دردنجی ماده - «تدقیق انتخاب مضبطه لری تنظیم اولندجه شعبه لردن ریسه تقدیم اولنوب مبعوثانک هیئت عمومیه سنده قرائت اولنور هر مضبطه قرائت اولندقدن فکره مباحوث عنه اولان انتخاب قانوننک تعیین ایلدیکی اصول و شرائطه توفیقاً جریان ایتمش اولدیغنه اکثریت ارا ایله قرار ویریلور ایسه انتخابی تدقیق اولنان مبعوثانک اعضالغه قبول اولندیقی رئیس طرفندن هیئته بیان اولنور تدقیق

انتخاب مضبطه سی حکمجه انتخابی تعلیل اولنان مبعوثك اعضالغه قبول و عدم قبولی مضبطه نك هیئتمده قرائت اولندیغی کون موقع مذاکره قونیه میوب بشقه برکونه تعلیق اولنور.

اشبو ماده ایکی حکمی مشتمل اولوب بریسی مبعوثك شعبه طرفندن تنظیم اولنان انتخاب مضبطه سندده انتخابی اصول وقانونه توفیقاً جریان ایتش اولدیغی کوسرتمش ایسه درحال موقع مذاکره قونیلوب ارای عمومیه به مراجعت ایدیلجکی دیگریده مضبطه ده انتخاب واقع تعلیل ایدلمش یعنی اصوله غیر موافق اولدیغی بیان قلمش ایسه بوکی مبعوثك مضبطه سی و اوراق انتخابیه سی بشقه برکون مذاکره قونیه جقدرکه بوده لایقيله تدقیق کیفیت ایدلمك اوزره وقت تخصیص ایتك مقصدینه منحصر اولدیغی اکلاشلمقده در.

بشنجی ماده - « انتخابی اصول وشرائط موضوعه سنه توفیقاً جریان ایدیلکینه هنوز حکم اولنالمش اولان مبعوثك انشای مذاکرانده بیان رایه صلاحیتلری اولوب فقط بر مبعوثك تدقیق انتخاب مضبطه سی هیئت عمومیه جه موقع مذاکره قونلقدنصکره اعضالقدن موقتاً ساقط اولمسی لازم کلور برده کرك شعبه لرده وکرك هیئت عمومیه ده بر مبعوثك اعضالغه قبولی حقنده رایه مراجعت اولندقدن کندیسی رای ویره مز ».

برکیمسه نك کندی حقنده رای ویره سی هیچ بر قاعده حقوقیه موافق دوشمیه چکی و بر حاکم کندی انهنه حکم ویره یه چکی قواعد اساسیه دن وهردرلو اعتراضدن بری اولدیغی وارسته قیدوتدکارددر شعبه لرده بولنان اعضالرك اوراق انتخابیه لری بشقه شعبه لره توزیع ایدیلجکی بالاده کی ماده ده محرر اولسنه نظراً بوراده کی شعبه قیدینك بی لزوم اولدیغی وشعبه ده قبول ورداولنه حق اوراق انتخابیه نك اکثریت ارا ايله اوله جنی بوماده نك سیاق عبارتسندن منضم اولمقدن در . آلتنجی ماده - « بر مبعوثك اعضالغه عدم قبولی هیئتمجه قرارگیر اولدقدن فسخ انتخابی اسباب موجب سیله برابر تکرار انتخاب ایتدیلمسی لزومنی متضمن مضبطه سی تنظیم ومقام صدارته رئیس طرفندن تقدیم ایدیلور » بو انتخابک فسخی

اعضائک مبعوثلق شرائطی جائز اولماق نقطه‌سندن ایسه طبیعی او ذاتک تکرار
انتخاب ایدیه‌یه‌جکی، اگر امر انتخابده بشقه یولسزلق وقوعندن طولانی فسح
ایدلش ایسه اصوله توفیقاً او اعضائک تکرار انتخابی جائز اوله‌جفی موجب بحث
مسائلدن دکادر.

یدنجی ماده - «مبعوثلرک عدد مرتبک ثلثانی اعضالغه قبول اولندقدن
صکره رئیس وکیلی نامزدلرینک انتخابنه مباشرت اولنهرق بونلرک اراده شاهانه‌ایله
مأموریتلری اجرا اولوتجیه قدر اعضای سائرک اکیال تدقیقات انتخابیه‌لرینه
دوام اولنور».

ایکینجی فصل

سکرتنجی ماده - «هیئت مبعوثانک بر رئیس وایکی رئیس وکیلی‌ایله ایکسی
مجلسده بلنناویه بولنق اوزره درت کتبی و مجلسده انضباط و محاسبات داخله‌سنه
باقق ایچون اوج اداره مأموری واردر».

بو کاتبلرک مبعوثاندن انتخاب اولنسنه نظراً اداره مأمورلرینک ده مبعوثان
اعضاسندن منتخب اولسی لازکله‌جکی نظامنامه‌ده بونک عکسنه بر صراحت
اولماسندن استدلال اولنور.

طقوزنجی ماده - «ریاست ایله برنجی ریاست وکالتی وایکینجی ریاست وکالتی
ایچون اوچر نامزد انتخاب اولنور و بو انتخاب اوج مأموریتدن هربری ایچون
بشقه بشقه اوج ذاتک اسمعی تعیین ایلک اوزره رأی خفی اصلونه مراجعتله
اجرا اولنور. انتخابانک هربرنده اکثریت مطلقه حاصل اولماز ایسه تکرار رأی
خفی‌یه مراجعت اولنور. ینه اکثریت مطلقه حصوله کماز ایسه ایکینجی دفعه‌ده
اک زیاده اکثریت اضافیه قزانان آلتی ذات حقنده صوک دفعه اولهرق رأی خفی‌یه
مراجعته اوچنجه دفعه‌ده مطلق ویا اضافی اولسون اک زیاده اکثریت قزانان اوج
ذات کیملر ایسه نامزدلرک انتخاب اولنور اوج دفعه‌نک قنغیسنده اولور ایسه اولسون
ایکی ذاتک قزانینبی عدد آرا مساوی اولور ایسه قرعه ایله ایکسندن بری تعیین

اولنور. رأی خفی صندوقی علناً آچوب رأی ورقه لرندە محرر اسامی بی قید و ضبط و نتیجە سنی بیان ایلمک ایچون اعضادن برقاچ ذات قرعە ایله تعیین اولنور ختام معامله ده نتیجە سی رئیس موقت طرفندن هیئتە بیان اولنور»
 بو ماده ده رئیس ایله رئیس وکیللرینک انتخابی رأی خفی ایله اجرا اولنه جفی کوسترلمکده اولوب بواصولک محسناتی غیر منکر در . اگر انتخاب مسئله سی علناً اجرا ایدلمش اولسه انتخابات پک چوق کشمکده دوچار اوله رق صورت سالمده جریانی ممکن اوله ماز اکثریت اضافیه نک قبولی دخی ضروری اولوب زیرا انتخاباتک اوچدن زیادہ بی تجاوز ایدہ جکی درکاردر . اعضالک عمومی کتابة مقتدر اولملری لازم کله جکی اعضالردن قرعە ایله تفریق اولنه جق ذواتک اسامی بی قید و ضبطه مجبور بولملرندن اکلاشیلیور.

اونجی ماده - «رئیس و رئیس وکیلی نامزدلک لرینک هیئت جہ انتخاب اولنان ذاتلرک اسامی سنی مبین مضبطه سی تنظیم و رئیس موقت طرفندن مقام صدارتہ تقدیم اولنور رئیس ایله رئیس وکیللری مأموریتلری حقنندہ شرف صدور بیوریلان ارادۀ سفیہ پادشاهی مقام صدارندن هیئت مبعوثانہ تبلیغ اولندقدن صکرہ ایغای مأموریتہ شروع و مبامرت اولنور» .

بو ماده نک قانون اساسینک ۷۷نجی ماده سنہ تعلقی و مربوطیتی اولوب مذکور یتشیدنجی ماده ده هیئت مبعوثان ریاسته هیئت طرفندن اکثریتله اوج ایکنجی و اوچنجی ریاستلره اوچر نفرکه جمعا طقوز ذات انتخاب اولنه رق حضور شاهانه یه عرض ایله بولنردن بریسی ریاسته ایکسی رئیس وکالتلرینه با اداره سنیہ ترجیح مأموریتلری اجرا فلنور دیه محرردر « فکر قاصرانه جہ مذکور اونجی ماده ایله قانون اساسینک بوماده سی محتاج تعدیلدر مجلس مبعوثان ریاستنک و رئیس وکالتلرینک اجرای مأموریتلری ارادۀ سنیہ یه اقترانی خصوصندہ دولت و ملت جہ برکونافندہ متصور دکلدر . برده بو مأموریتلر ایچون اوجر ذات انتخاب ایدلمسی و اوچر ذاتدن بریسنک اجرای مأموریتی ارادۀ سنیہ یه تعلیق ایدلمسی مجلس مبعوثانک حاز اولدینی استقلالیت و حریتله قابل توفیق دکلدر بوحالده رئیس اولان ذات

حکومت اجرائیه نك متنی آئینده بولنش اولور رئیسك مجلسده اهمیت و عندالاحاجه ایکی رایه صاحب اولسی بو عذوری ده از یاده تقویه ایده جکی موجب تردد دکلدر. اون برنجی ماده - «کاتبرلك انتخابی رئیس و کیلی نامزدلرینك انتخابی متعاقب طقوزنجی مادهده تعیین اولنان اصوله توفیقاً اجرا اولنور بونلر رئیس و کیلرله برابر ایفای مأموریتله باشلارلر.

۱۲نجی ماده - «رئیس ایله رئیس و کیلرینك و کاتبرلك مأموریتلری ایرتسی سنه نك مبدأ اجتماع عادیسی زمانه قدردر.»

بعض سنجاق مجلس اداره و بلدییه اعضای سابقه لرندن مبعوث اوله جق ذاتک کاتب انتخاب اولندیقی تقدیرده امور کتسابتک نه درجه مکمل جریان ایده جکی جای تأملدر.

اوجنجی فصل

شعبه وانجمنلرک صورت تشکل و وظیفه مأموریتلری

بیاننده در . .

۱۳نجی ماده - «ایکینجی ماده موجبنجه شعبه لر تشکیل اولندقدده هر بری کندی ایچندن طقوزنجی مادهده تعیین اولنان اصوله توفیقاً بر رئیس و بر کاتب انتخاب ایدر شعبه لرک مدت مأموریتی ایکی آی اولوب هر ایکی آیده بر کره تجدید اولنور.»

بوماده نك صراحتنه نظراً مبعوثلرک بر چونجی کاتب اوله جفی مع مافیه بونلر رایده داخل اوله جقلری اکلاشله مقده در فقط بو وظیفه نی ایفایه مقتدر اولوب اوله میه جقلری موجب اشتباه و مجلس مبعوثانك معیتنه بر چوق کاتب تعیینی اقتضا ایدوب ائیمه جکی مجلسك تشکلنده اکلاشله جقددر.

۱۴نجی ماده - شعبه لرک اعضای مرتبه سندن لا اقل نصفی موجود اولمدنجه رایه مراجعت اولته ماز شعبه لرک مذاکراتی هیئت عمومیه نك تعیین ایندیکی مواد صره سنجه جریان ایدر هر اجتماعك مذاکراتی ضبط اولنوب ضبطده اعضای موجوده نك عددی بیان اولنور.

۱۵ نجی ماده — مستعجل طوتملسنه هیئت عمومیه ده قرار ویریلان مواد مستثنالوق اوزره شعبه‌لره حواله اولنان لایحه و اوراق مذاکره‌سنه یوم توزیعدن برکون صکره باشلانیهیلور». شعبه‌لرک مقدار اعضالری مبعوثانک نسبتنه کوره یتمش سکر اعضادن مرکب اوله جفی محتمل اولدیغندن بو قدر ذانک اسامیسنی ومذاکرات واقعه‌یی ضبط ایتمک برقاچ کاتبک کاری اولسه کرکدر شعبه‌لره اوراق هیئت عمومیه دن توزیع اولنه جفی منظم اولمقده وشعبه ده هیئت عمومیه نیک وظیفه و تدقیقاتی تسهیل مقصدیه مشکل اوله جقلمی بدیهی بولمقده در.

مکتب حقوق مأذونلرندن

مختار کمال

علوم حقوقیه مذاکره‌لری

۳

sursis امهال مجرمین (*)

۱۸۹۱ سنه سی مارتیک یکریمی آلتنجی کونی فرانسه ده مجلس مبعوثانده، مجلس اعیانده تصویب اولنان بر قانوندن، برانزه قانونندن بحث اولنیور ایدی. برانزه ۱۸۸۴ سنه سندنبرو قوه دن فعله چیقارمق ایستدیکی بو قانونی عمومک آلیشلمی تحسینلری آره سنده، مملکتته، عالم انسانیت بر مثال اجتمعی اولمق اوزره اتحاف ایلنیور ایدی. برانزه مجلس اعیانده فذلکه مأموری ایکن موسیو بارتو مبعوثانده تلخیصی وظیفه سنی ایفا ایدیور ایدی. یدی سنه علی التوالی بذل ایستدیکی همک محصولی اولان برانزه قانونی، وقائع جناثیه نیک، جریمه تکررک تکثرینه قارشو بر تدبیر اخلاقیدن بحث ایتمکده ایدی یعنی ایلمک دفعه ایقاع جرم ایلان بر شخصک، خطا، جهلا هرنه دینسه جرأت ایلدیکی فعلدن، مؤاخذه و عتابی بر مدت موقته ایچون تعویق و امهال طلبنده بولنیور ایدی. دیمک اولنیورکه

(*) معصومینه تضمینات ۱ ژوری ۲ امهال مجرمین ۳